

四庫全書

子部

欽定四庫全書

古今姓氏書辨證卷三十四 宋 鄧名世 撰

四十三映

敬

宋廟諱從苟從支苟紀力反支普木反避諱之字曰
恭出自媯姓陳厲公子完奔齊謚敬仲子孫以謚為
氏或曰齊高侯敬仲之後唐宰相五王暉世系表載
蒲坂敬氏甚詳姓苑云黃帝孫敬康後誤矣秦漢以

前無此氏宋避諱改為苟氏及文氏又不勝其誤政
和中有詔改為恭氏唐平陽王暉之後綏州刺史琬
生忻同州掾忻生衮某州刺史衮生翔梁崇政使又
唐河東節度使昕弟暉右散騎常侍晦太子賓客

慶

出自姜姓齊公族大夫慶克以王父字為氏又媯姓
陳桓公五世孫亦為慶氏皆具春秋人譜至漢廣陵
慶氏猶出姜姓

孟

姓源韻譜曰洛陽孟氏晉孟欽有左慈之術符融欲誅之而不得孟嘉九月九日登龍山賞宴風落其帽

東海孟氏

鉅鹿孟氏漢孟敏嘗於太原荷甕墜

地不顧郭林宗因勸之令學晉有幽州刺史孟業肥大帝秤之重千斤又宋有左僕射孟昶弟顓亦為左僕射武康孟氏後涼有昌松太守孟禕安平孟氏魏有京兆太守孟康嘗至郊界觀農桑自刈芻飼

馬不煩於人 江夏孟氏晉孟宗嘗為令自作鮓寄
母又冬泣竹而笋生姓源韻譜載孟氏七望皆詳明
可據他姓未能稱是故盡錄之

柄

姓源韻譜曰秦山下邑名居者因以為氏

慶父

世本曰魯大夫慶父之後有慶父籍為楚工正

慶忌

姓苑吳王子慶忌後為氏又有慶師氏

孟獲

呂氏春秋齊力人孟獲後有孟獲氏謹按孟獲即烏獲也

四十五勁

正

姓苑曰出自正考父之後以字為氏謹按漢書郊祀志燕人正伯僑秦始皇時為僊方京房傳秦人正先

非刺趙高而死魏有永昌太守正帛

聖

姓源韻譜曰八愷隕斂謚聖後世氏焉

鄭

北齊中書監鄭述祖兄弟嚴祖遵祖順祖敬祖五人並為甲門遂稱五祖鄭氏又述祖與父道昭皆為光州刺史民歌曰大鄭公小鄭公相去五十載風教猶尚同隋鄭法倫父子工畫亦曰大鄭公小鄭公開元

中鄭齊景齊丘齊望兄弟三人皆為著作

性

姓苑有性氏

姓

集韻曰古之神聖母感天而生子故稱天子春秋傳
古天子因生賜姓故从女从生謹按漢書貨殖傳臨
菑姓偉貨五千萬師古曰姓姓名偉

盛

漢有司徒盛吉即盛之後以國為氏吉裔孫後漢北地太守苞吳郡太守憲憲字孝章始居譙郡廩城孔至曰譙郡盛氏其先太姜生季歷季歷娶太任生文王名昌子召公名奭使輔成王為西伯化流召南廣被江漢由是興周隆七百之祚召公夫人姜氏出游池上見二黑龍交會舉目視之歆然不樂即有娠而生一子手中有文字炳然即盛字長年十八封為譙侯因為望焉韻譜曰其先姓奭後改為盛謹按韻譜

之說與孔至合而小異起於漢元帝名奭諱奭之字
曰盛妄意古人有名字同者指召康公為商人商人
尚質名字皆當曰奭而奭訛為盛誤矣今以元和姓
纂為正

賈

出姓苑

令

漢紀文帝後六年匈奴入上郡以中大夫令免為車

騎將軍屯飛狐師古曰姓今名免也

政

出姓苑

正令

漢有尚書郎正令宮元和姓纂曰其先周官儀僕掌

貳車正令氏焉

四十六徑

甯

唐貞觀所定青州齊郡四姓一曰甯氏又西原蠻豪
有甯氏

四十七證

乘

漢書儒林傳乘宏治易為博士注音食證切諸家誤
作平聲今望出平陽

乘馬

前漢周勃傳勃斬陳豨將乘馬降

按史記作乘馬
絺漢書作降
師

古曰姓乘馬名降乘音尺孕反漢有張掖人乘馬數
溝洫志有諫大夫乘馬延年明計算能商功利

乘丘

漢藝文志有乘丘子五篇注曰六國時人謹按春秋
魯莊公十年敗宋師于乘丘乘丘魯地也姓書未有
此氏今增入

四十八嶺

鄧

出自子姓商高宗武丁封其季父於河南為鄧侯別
賜姓曼春秋時楚武王鄭莊公皆娶鄧女謂之夫人
鄧曼而鄧侯吾離嘗一朝魯魯莊公十六年楚文王
滅鄧祁侯子孫以國為氏而仕楚君子稱鄧廖為楚
之良是也廖裔孫析仕鄭漢初謁者僕射鄧公絳侯
故人鄧都尉猶為楚人漢之中世鄧况始自楚徙居
南陽新野子孫以農桑為業光武時有車騎將軍宏
建威將軍尋復漢將軍臨渤海太守鄧侯邯廷尉西

華侯晨太傅高密元侯禹禹子平壽敬侯訓生和熹
太后鄧氏自中興後累世寵貴凡侯者二十九人公
二人大將軍以下十三人中二千石十四人列校二
十二人州牧郡守四十八人其餘侍中將大夫郎謁
者不可勝數其世系具後漢書宋成都鄧氏太常丞
致仕贈太師至生綰字文約歷御史中丞龍圖閣學
士中大夫知滁州贈太師有傳二子洵仁洵武洵仁
某軍節度使開府儀同三司

按宋史鄧綰傳子洵仁
大觀中為尚書右丞

洵武字子常觀文殿大學士知樞密院事生雍字處
和吏部侍郎

鄧陵

邵氏姓解曰韓子有鄧陵子謹按莊子天下篇有南
方墨者鄧陵子音義曰鄧陵人姓

四十九宥

右

元和姓纂曰晉屠擊將右行因氏焉謹按左公子之

後為左氏則右氏亦右公子後姓纂以為右公氏故
取屠擊為證

祐

出姓苑

富

宋河內富氏贈工部侍郎伯瑫六子處謙紹麟紹宗
南歸紹錯紹鈞處謙內黃令贈太師中書令兼尚書
令鄧國公生令荀一名暎商州馬步軍都指揮使贈

太師中書令兼尚書令韓國公三子言堯相言都官員外郎贈太師中書令兼尚書令秦國公生弼字彥國歷相三朝開府儀同三司守司徒武寧軍節度使同中書門下平章事致仕贈太師謚文忠公

俞

姓苑曰漢有俞連吳志孫韶伯父何本吳人姓俞集韻曰俞音冑姓也丑救切武陽高槩曰一畫為俞音餘平聲兩畫為俞音冑去聲今衡州有此氏乃音丑

蓋音變也

按元和姓纂有俞氏亦引此俞俞疑即一氏

廖

秦昭王時巴夷廖仲作白竹之弩射殺白虎唐末廖
光圖作廖氏家集一卷今三峽閩中皆有此姓謹按
後漢書更始傳平林人陳牧廖湛注曰廖力弔反今
世廖皆音料舊姓書多作力救反誤矣宋南劍州廖
氏剛字用中歷給事中御史中丞工部尚書罷為左
朝奉大夫提舉江州太平觀

按宋史本傳作提舉亳州明道宮子四人皆秉

鹿節而此云生遲左承事
郎爵位懸殊疑有脫誤 生遲左承事郎又左文林

郎拱字欽辰又景生或或生器器生揆政和八年上
舍元生提提生獎獎生瑜字中美仲權生文宥文宥
生洙洙生邦彥字世美並建炎二年進士建昌廖氏
職方郎中詢生正臣正臣生震震生容字季常宣和
三年進士連州廖氏繼華生永理奉議郎永理生玖
朝奉郎玖生顯紹興十五年進士荆門軍廖氏徹生
從從生正仲正仲生好義政和五年上舍安州廖氏

正一字明畧承議郎祕閣校理生悟

秀

出姓苑

就

梁大通元年有營州就德興請降於魏

壽

風俗通吳王壽夢之後有壽越又有壽於姚漢末兗州牧壽良又方術傳有壽光侯能劾百鬼晉太僕壽

冲尚書壽悅宋有將軍壽寂之韻譜曰漢有壽王議
周鼎誤矣壽王乃吾丘氏

宥連

後魏官氏志南方有宥連氏改為雲氏

副呂

河南官氏志後魏副呂氏改為副氏

富陵

代北複姓出後魏官氏志

富呂

代北複姓出後魏官氏志

廖叔

古廖叔安之後秦惠公大夫有廖叔翹

五十候

候

周禮候人掌其方之道治因以為氏

茂

孔至氏族雜錄曰代北茂眷氏改為茂氏

鄮音茂

越人以郡為姓明州鄮縣是也東漢有鄮攷

豆

後魏有將軍豆世田豆代田豆本出並見魏書

竇

出自姒姓夏后氏帝相失國其妃有仍氏女方娠逃出自竇奔歸有仍生子少康少康二子曰杼曰龍留

居有仍遂為竇氏龍六十九世孫鳴犢為晉大夫葬
常山及六卿分晉竇氏遂居平陽鳴犢生仲仲生臨
臨生亶亶生陽陽生庚庚生誦二子世扈世生嬰漢
丞相魏其侯也扈二子經充經秦大將軍生甫漢孝
文皇后之兄也充避秦之難徙居清河二子長君廣
國廣國字少君章武景侯二子定誼誼生賞襲章武
侯宣帝時以吏二千石徙扶風平陵其後世系具唐
宰相表後秦南羌竇鴛以地來降拜安西將軍又安

南强熙等叛推竇衡為主衡弟彰武與衡離貳衡遂
奔沂川衡從弟統率其衆降姚興又大司農溫後凉
强弩將軍竇苟呂纂親將竇川

闔

出自芊姓楚若敖娶郢女生伯比別為闔氏伯比生
令尹子文司馬子良其後世為楚令尹及縣公世系
具春秋人譜

漏

姓苑曰世掌刻漏之官因為氏焉

句

華陽國志王平句扶張翼廖化並為大將軍時人語
曰前有王句後有張廖今句氏望出平陽東都士大
夫言其先仕蜀為句邑大夫因以命氏今成都嘉州
皆為盛族亦有徙長安或高郵者近世避諱有改為
句龍氏者有從金為鉤氏者有從絲為絢氏者

竇公

風俗通曰魏文侯時樂人竇公氏獻古文樂詩書一篇

豆盧

本姓慕容氏燕主廩弟西平王運生尚書令臨澤欽侯制制生右衛將軍北地懿王精精降後魏代北人謂歸義者為豆盧因賜姓豆盧氏居昌黎棘城唐宰相欽望世系具唐表後唐莊宗相豆盧革有傳

茂春

孔至曰後魏改為茂氏

闕比

英賢傳云闕伯比孫耆仕晉因氏焉

闕強

若教生強因氏焉謹按此氏即左傳所謂闕御彊也

闕文

闕子文之後為闕文氏

闕班

世本鬪強生班因氏焉

鬪于

出姓苑

戊地

唐西域傳康居九姓一曰戊地

五十一幼

謬

後漢有謬彤亦作繆

五十三勘

贛婁

漢藝文志齊隱士贛婁子著書五篇

五十四闕

闕

謹按春秋闕邑在齊魯間魯昭公在乾侯取闕是也

齊大夫食邑者氏焉

淡

姓苑云臨川人謹按今臨川有此氏

五十九鑑

監


元和姓纂曰衛康叔為連屬監因以為氏姓書皆以
為去聲今兩存之

六十梵

汎音

北史介朱榮傳魏莊帝時榮奉駕向洛陽宮武衛將

軍汎禮苦執不聽榮遷都又漢末陳宮使將汎疑取
范范今漸允殺疑以歸曹公姓書未有汎氏今增入



欽定四庫全書

子部

古今姓氏書辨證卷三十五
六

詳校官中書臣沈鳳輝

侍讀臣孫球覆勘

謄錄監生臣沈霖

謄錄貢生臣張大同

欽定四庫全書

古今姓氏書辨證卷三十五

宋

鄧名世撰

入聲

一屋

屋

後魏官氏志屋引氏改為屋氏

穀

春秋穀伯綏之後國在南鄉筑陽縣北唐時為均州

子孫以國為氏

谷

唐有馬璘大將谷秀河南谷氏後魏谷會氏改焉熙
寧姓纂魏昌樂谷氏唐諫議大夫弘文館學士谷那
共孫倚相為秘書省正字生崇儀右金吾衛大將軍
生從政

禿

國語祝融後八姓一曰禿封于舟人周滅之

角

音祿

見呂靜集韻四皓有用里先生有用氏亦為角里氏
謹按崔嵬佺罷肥鄉主簿時太宗皇帝聞其有學問
召問曰四皓中一先生姓或以為用上一撇或以為
用上一點嵬佺對曰秦程邈撰隸書訓僕隸貴易使
也因此世傳之字與古不同臣聞刀為角兩點為角
音鹿一點一撇皆不成字謹按說文角獸角也象形
漢律歷志角觸也物觸地而出戴芒角也又曰角音

斛詩麟之角振振公族東方朔傳臣以為龍又無角
謂之為蛇又有足董仲舒傳予之齒者去其角傳其
翼者兩其足朱雲傳五鹿嶽嶽朱雲折其角太玄一
與木叶一與辱叶一與族叶三與足叶並盧谷切本
止一字後世又作訖岳切耳偃佺之說非也嶽虞欲
切後漢有角若叔

祿

河南祿氏後魏骨咄祿氏改焉唐涇陽有此姓

鹿

戰國策有鹿毛壽嘗說燕王噲遜位子之漢有巴郡
太守鹿旗因家焉望出巴郡又官氏志鹿桓阿鹿孤
氏後改為鹿氏望出河南赫連勃勃有平東將軍鹿
奕子南涼鹿蜀為文武之秀傑 宋陳州項城鹿氏
益州司戶叅軍元昌生正倫西頭供奉官正倫生經
經生敏求字好古紹聖元年進士

录

集韻曰人姓音錄

鏃

姓苑曰子木反彭城人亦作鉈

鏃

音鏃

姓解曰天口切

案鏃韻字作鉈急就篇鏃氏出彭城集

卜

風俗通曰氏於事者巫卜陶匠是也春秋魯有大夫

卜齮魯莊公車右卜國劉聰之臣有卜抽卜崇卜幹

卜泰 河南後魏須卜氏改為卜氏唐開元中有處士卜隱之

木

前燕壽光末

紫慕容儁僭位改元光壽此悞

兵集鄴城盜賊互起每

夜攻劫晨昏斷行捕誅賊首木骨和等百餘人乃止

唐百濟大臣八姓其一曰木氏

沐

今詳說文沐水在青州然或以水氏

福

唐突厥傳武后遣將軍嵎夷公福順富為總管

幅

出姓苑

伏

漢濟南伏生名勝字子賤四世孫孺客於琅邪東武
因家焉伏孺生理字君游為高密太守以詩授成帝
故齊詩有伏氏學理生大司徒陽都侯湛字惠公湛

生隆俞咸隆字伯文光祿大夫子瑗為郎中俞生光
光生晨位特進生屯騎校尉無忌采集古今為伏侯
注八卷無忌生大司農質質生完皆嗣陽都侯自伏
生以後世傳經學清淨無競故東州號為伏不鬪湛
同產兄弟恭字叔齊為司空洛陽伏氏子成為晉
平北將軍姚襄左部帥

復

漢年表有昆侯復系

案漢功臣表作
昆侯渠復系

服

周内史叔服之後以字為氏漢江夏太守服徹後漢
九江太守服虔注漢書舊望江夏

馥

漢東海馥仲翁為宣帝師服虔曰馥音馥師古曰房
福反

縮

古今人表有縮高安陸人能辭大位以全父子之義

陸

出自媯姓田完裔孫齊宣王少子通字季達封於平原般縣陸鄉即陸終故地因以氏焉通諡曰元侯生恭侯發為齊上大夫發二子萬臯臯生邕邕生漢太中大夫賈萬生烈字伯元吳令豫章都尉既卒吳人思之迎其喪葬于胥屏亭子孫遂為吳郡吳縣人其後有潁川枝荊州枝丹徒枝樂安枝魚圻枝諫議枝侍郎枝世系具唐宰相表謹按吳陸氏三相五侯將

軍十餘人又吳郡陸英子玩玩子始始子萬載萬載
子子真五世為侍中又南齊陸慧遠慧徹慧曉慧恭
宋唐世系表皆子真之子房望最高時人稱非四慧
慧俱作惠

之子孫不得稱望族也後魏大將軍河南陸倕封惠
平王子麗封平原王子定國封東都王陸氏三世封
王唐初定河南陸氏舊在乙門唐陸元方與子象先
景融景融子禹錫翹三世皆為中書舍人

麴

西涼有右丞相麴景後蜀李特以麴歆為爪牙南燕
司空麴仲南涼記室監麴梁明又有麴承明為文武
之秀傑

蕲

姓苑曰竟陵人

淑

前燕咸和九年慕容皝遣揚威將軍淑虞攻烏丸悉
羅侯于平崗斬之

育

集韻曰姓也亦作毓

祝

河南祝氏魏吐岳氏改為祝氏

叔

元和姓纂曰八凱叔達之後或晉大夫叔向後誤矣
謹按春秋叔氏出自姬姓魯文公少子曰叔肸宣公
篡立叔肸不義其兄所為終身不食其祿別其族為

叔氏春秋書公弟叔矜者是也矜生嬰齊嬰齊生叔
老老生弓弓生輒輒生鞅鞅生誼誼生還還生青青
生世仕魯為大夫 河南叔氏後獻帝叔父乙旃氏
之後改焉

菽

西域天竺人姓

畜

出自非子之後畜牧汧渭之間馬大蕃息支孫氏焉

鄱

許六切

出自楚大夫雍子奔晉晉人與之鄱以為謀主因以邑為氏漢有東海太守鄱熙因官居焉今望出東海

竹

謹按後漢書夜郎竹初有女子浣於遯水有三節大竹流入足間聞其中有號聲剖竹視之得一男兒歸而養之及長有才自立為夜郎侯以竹為姓武帝元鼎六年平南夷為牂牁郡夜郎侯迎降天子賜其王

印綬後遂殺之夷獠咸以竹王非血氣所生甚重之
求為立後牂牁太守吳霸以聞天子乃封其三子為
侯死配食其父今夜郎王有竹王三郎神是也

竺

東莞竺氏後漢擬陽侯竹晏之後報怨有仇以其仇
為名士不改其姓乃加二字以存夷齊而移於琅邪
莒縣其孫竺固為後漢侍中至晉竺毅自莒縣徙居
始平元和姓纂曰本天竺胡人歸中國為竺氏誤矣

郁

後趙有索頭郁鞠率衆三萬降石虎

肅

韻譜曰八元仲堪謚肅後世為氏或云肅慎氏之後
元和姓纂曰成肅公之後梁有西豐侯肅正德皆誤
矣正德姓蕭非肅氏

宿

魏王珪妻以宗女拜上將軍賜姓宿氏

玉

謝承書曰京兆杜陵人世為三輔名族玉姓也

凰

出姓苑集韻音宿

睦

西胡人姓唐初有涼州胡睦伽佗為寇

繆音木

秦繆公之後以謚為氏或作穆魏志繆襲字熙伯繆

生之後為尚書郎晉有繆播官中書令前燕有繆愷
蘭陵人後漢中牟人繆彤字豫公

穆

宋穆宗宗子觀觀子壽壽子平國平國子熙五世襲
宜都王號五王穆氏又穆觀及子亮亮子紹紹子正
國正國子平城五世皆尚公主又壽及子平國平國
子伏干伏干弟羆五世尚六公主又宗子觀觀子壽
並為太尉凡三世三公

縛

音拂縛切出集韻

屋廬

孟子有屋廬子元和姓纂曰晉賢人屋廬子著書言
彭聃之法蓋廬誤為廬也

屋南

元和姓纂曰代北複姓謹按此必無南氏誤無為屋

案代北複姓無南氏疑
或公南社南氏之訛

屋引

出自房氏晉初有房乾本出清河使北地留不遣北
俗謂房為屋引因改為屋引氏乾子孫隨魏南遷復
舊氏而河南猶有屋引氏乞伏國仁以屋引出支為
右相其後有屋引阿洛者泄乞伏乾歸之謀於利鹿
孤又鎮西將軍屋引破光為河州牧唐雲麾將軍屋
引宏生統軍豐豐生渭南郡公封

獨孤

其先本姓劉氏當後漢北蕃右賢王劉去卑之先尚
漢公主因從母姓劉氏後魏代北三十六部有伏留
屯為大人居於雲中和平中以貴人子弟鎮川因家
焉伏留屯之後有侯尼生庫者後魏司空生信河南
洛陽人周太宗伯衛公獨孤信本名如影唐贈太尉
趙景公生羅善穆藏順隋宗整長女周明帝皇后第
二女唐元貞皇后生高祖第四女隋文帝獻皇后生
煬帝羅隋封蜀公生開明開遠開徹武開明秘書少

監生璉金部郎中開遠邠州刺史永平公開徹左衛
將軍考城公生元哲元同敬同元哲兵部員外元同
主客郎中生昌淄州刺史孫允主客郎中陳州刺史生
方臯方平方平生邁敬同博州刺史善隋河內公孫
暎司勳郎中洛州長史生志儉朗州刺史暎孫肅先
肅比部郎中光祿卿先絳州刺史藏隋金州刺史武
平公生機機生修法修本修德修德膳部郎中同州
刺史滕公孫慶右武將軍修法通州刺史修本生訥

桂州都督生扎本兄子諶駙馬淄州刺史順武成公
生安成殿中少監生賢意賢意生慶之左武衛將軍
生克忠漢州刺史隋聞喜公生延壽太常少卿新
蔡公生道節兵部郎中節生炫都官郎中整隋平鄉
公生懷恩唐工部尚書臨川王永嘉房後魏本迴紇
之後本姓劉氏代居雲中正五代孫冀案獨孤氏唐世系表云出自漢光武子沛獻王輔之後裔孫進伯賅沒匈奴因之孤山下生尸利單于以為谷蠡王號獨孤部六世孫羅辰從後魏孝文帝徙洛陽羅辰四世孫冀武安公此云本迴紇之後未詳且冀五世祖名眷此云正五

代孫亦無可考通志說同

武安公生業

案唐世系表業作永業

北齊司徒臨

川王周大司寇襄州總管生子潛

案唐世系表子潛作子佳

周儀

同生義恭義盛義順義盛生士約士約孫冉

案唐世系表冉

冊作

戶部郎中弟思生華兵部郎中義順唐兵部侍郎

左丞洛陽公生元愷元懷元慶元愷給事中生思莊

左金吾大將軍思行洋州刺史元懷曾孫明駙馬都

尉元慶生暕

案唐世系表暕作思暕

鄂令生賓庭含章易知通

理通濟賓庭左金吾兵曹生問俗鄂州刺史團練觀

察生勉勛助勸勉揚子令助太子舍人生申叔遐叔
申叔校書郎通理殿中侍御史潁州長史生汜巨及
丕汜睦州刺史巨左驍衛兵曹及常州刺史生朗郁
朗協律郎郁考功員外中書舍人生庠通濟導江丞
生恠恠恠左司郎中生寂實密實殿中御史寂進士
密海州刺史生蒙雲霖雲吏部侍郎東川節度生回
損霖秘書監義順兄叔德孫楷萬年丞生嶼峻嶼兼
侍御史峻浙東節度右金吾大將軍 京兆隋書獨

孤楷傳云不知何許人姓李氏父屯從齊神武戰于沙苑敗為柱國獨孤信所擒配為士伍賜姓獨孤氏後居京兆楷弟盛楷隋并州總管汝陽郡公生凌雲平雲滕雲卿雲彥雲平雲千牛將軍安丘公彥雲歷陽公滕雲荆府長史廣武公生奉節奉節生琬琬琰太僕卿開元中上表請改姓李氏名輔琰司勳郎中卿雲右屯衛大將軍汝歸公生元節元節生祥之瓊珍琰祥之左羽林將軍珍生楚賴彥卓楚生良矩矩

生輔潁生良佐良弓良器良弼良史良儒良器通州

刺史良弼兼御史中丞良史生瑋進士復姓李氏彥

生良裔卓少府監生惠慈愿恕意憇慈生志楷弟盛

隋右屯衛將軍紀公生僧達僧達生守中唐右金吾

大將軍

案此條永樂大典原載為元和姓纂之語然中引獨孤損乃昭宗時相豈可入元和時書

且與通志所引姓纂不合今改為古今姓氏辨證而以通志中所引姓纂文錄入元和姓纂

谷會

慕容農有部將谷會歸農欲殺歸而惜其勇力後魏

官氏志河南谷會氏改為谷氏

谷渾

孔至雜錄曰後魏改姓渾

谷那

唐有博士谷那律

斛律

齊丞相咸陽王斛律金唐有郎中斛律貽慶

斛穀

南燕慕容超遣將斛穀提公孫歸寇宿豫陷之執東
平太守劉千載濟陰太守徐阮大掠而去以功並封
為郡縣公

斛粟

孔至姓氏錄曰代北斛粟氏後改為斛斯氏

斛斯

或云本代北斛粟氏改焉後魏有刺史斛斯疋

禿髮

出自後魏拓拔氏之族曰匹孤率其部自塞北遷河西鮮卑部其妻胡拔氏方娠因寢而生子壽闐於被中鮮卑謂被為禿髮因以為壽闐氏壽闐立孫樹機能始據涼州為晉將馬隆所殺從弟務丸統其部衆務丸孫推斤年一百一十生思復鞬素渥若留思復鞬三子曰烏孤利鹿孤偁檀烏孤為呂光征南大將軍益州牧左賢王隆安元年自稱南單于南涼國王在位三年謚曰武廟號烈祖弟利鹿孤立在位三年

謚曰康王弟偃檀立有位十三年而國亡西秦熾磐
封為左南公謚曰景王其從弟替引鎮領南洛回鎮
肅州利鹿孤諸弟曰鎮北將軍俱延興城侯文支又
一弟曰吐雷烏孤子曰西平太守赴單偃檀死於乞
伏氏其族歸魏偃檀六子長曰武臺為太子乞伏氏
殺之次曰保周臘于破羌魏以保周為張掖王破羌
為西平公以俱延之子覆隆為酒泉公利鹿孤之子
副周為永平公烏孤孫承鉢為昌松公偃檀長兄子

樊尼安西將軍又索虜禿髮如荀率戶二萬降乞伏
乾歸乾歸妻以宗女

祿里

神仙傳有祿里先生祿即角也蓋字誤

鹿勃

燕慕容雋擊破鄧恒將鹿勃早於魯口早僅以身免

木易

後魏木易干為多蘭部帥

卜梁

姓解曰楚文王子食米諸梁為卜梁氏莊子有卜梁

倚

沐蘭

蘭或為簡姓苑云任城人

福子

元和姓纂曰齊大夫福子丹見國語誤矣謹按國語
無此人也

伏侯

出自風姓伏羲之後以號為氏漢濟南伏生名勝字
子賤四世孫孺客教授琅邪東武因家焉孺生理字
君游為高密太傅以詩授成帝故齊詩有伏氏學理
生大司徒陽都侯湛字惠公湛生隆翁咸隆字伯文
光祿大夫子瑗為郎中翁生光光生晨位特進生乚
騎校尉無忌采集古今為伏侯注八卷無忌生大司
農質質生完皆賜爵陽都侯自伏生以後世傳經學

清淨無競故東州號為伏不闕湛同產兄弟恭字叔
齊為司空洛陽伏氏子成為晉平北將軍姚襄左部

帥

陸終

元和姓纂曰祝融子陸終之後有陸終氏又曰王莽
曾孫孺興與東平陵終氏有惡謹按古有陸終氏然
陵陸偏旁相近必陸訛而為陵也

祝固

元和姓纂曰衛祝固之後漢有侍御史祝固遙

叔孫

出自姬姓魯桓公第三子叔牙謚僖叔立其後為叔
孫氏僖叔生戴伯茲茲生莊叔得臣得臣生宣伯僖
如及穆叔豹豹生昭子婁世系具春秋人譜又後魏
十姓獻帝叔父之後乙旃氏改為叔孫氏

叔仲

出自姬姓魯桓公子叔牙為叔孫氏牙孫叔彭生別

為叔仲氏是為叔仲惠伯惠伯生昭伯帶帶生穆子小小生志又孔子弟子會字子期禮記有皮及衍皮生子柳及子碩

叔帶

元和姓纂曰英賢傳趙叔帶之後齊大夫有叔帶子莊為莊公御

叔逵

元和姓纂曰八愷叔逵之後周大夫有叔逵焉

叔先

後漢有捷為人孝女叔先雄父泥和溺死雄自投水中後六日與父尸相持浮於江上郡縣為立碑圖象雄弟賢附雄傳

叔教

姓書曰楚令尹孫叔教之後誤矣謹按教字孫叔古人先字後名故曰孫叔教自古無兼名字為氏者

叔梁

姓解曰孔子父曰叔梁紇誤矣謹按紇字叔梁非氏也

叔風

元和姓纂曰世本羊舌職生叔風為叔風氏

郁朱

代北複姓

目夷

出自子姓宋公子目夷為左師聽宋國之政子孫別

為目夷氏

牧師

元和姓纂曰漢禮依周禮令主養馬後世因以為氏

宿六斤

後魏官氏志宿六斤改為宿氏望出河南

獨孤渾

後魏官氏志獨孤渾改為杜氏

斛瑟羅

後魏官氏志斛瑟羅氏改為羅氏

木骨閭

蠕蠕舊姓也後改為郁久閭

伏俟龍

代北姓後周大將軍伏俟龍惠

郁久閭

後魏神元時掠騎獲木骨閭北方言首禿也自云匈奴之甥車鹿會有部衆聲訛為郁久閭氏魏帝號之

為茹茹或為蠕蠕後魏時蠕蠕強盛支屬入中國者
郁久閭登北齊朔州刺史安平公生感斌感唐左司
禦率生範大理丞斌洛陽令生昌生均

郁原甄

後魏改為甄氏

欽定四庫全書

古今姓氏書辨證卷三十六

宋 鄧名世 撰

二沃

毒

唐宰相竇懷貞與太平公主謀逆既敗投水死追戮其屍改姓毒氏

褥

宋宦官褥懷志掌香藥權易院坐贓棄市

擣音辱

奴沃切廣信擣氏本姓陸避事改為擣

儼音鏃

集韻曰邑名亦姓也邵氏音足誤矣一曰作木切

鋹音鏃

租毒將玉二切出姓苑

僕固

唐貞觀二十年鐵勒九姓大首領率衆降分置瀚海

九都督府以僕骨歌濫拔延為右武衛大將軍金微
都督訛為僕固氏生乙李啜生懷恩懷恩破安史復
二京有功位太保兼中書令大寧郡王子瑒節度使
又有族子僕固名臣懿宗時有大酋僕固俊

僕蘭

後魏官氏志改為僕氏

三燭

辱

廣陵多此姓自云本姓陸氏

綠

亦作淥姓苑曰古有綠圖為顓帝師謹按淥水名也在湘東必其先以水為氏

逯

音祿

王莽以同風侯逯並為大司馬又有左隊大夫逯並石趙有光祿大夫廣平逯明石勒十八騎有逯明疊唐有郎中河陽逯仁傑高駢將亦有逯並

足

戰國策韓有足強嘗說韓王則足為人氏矣

麴

音蜀

梁四公子麴端之後

續

望出河東襄陽

粟

今嶺南多此姓

于

丑六切廣韻曰彳于也按彳于義通于躑躅風俗通云河東于氏楚有大夫于衡

燭盧

唐吐蕃相尚婢婢嘗遣燭盧鞏力與磨離羆子將兵禦論恐熱鞏力請按兵拒險羆子不從鞏力稱疾歸鄯州

四覺

角

後漢馮異傳有賊角閼據汧洛

催

集韻音確姓也後漢書有閼豎催汜誤矣謹按獻帝
初平三年司徒王允殺董卓夷其族卓部曲將李催
郭汜等反攻京師殺王允催等自為將軍然則催汜
乃二人名非姓

岳

姓源韻譜曰四岳之後今南方有之望出山陽

樂

出自子姓宋大司寇樂呂呂孫喜字子罕為宋司城
喜孫舍祁輓祁一曰祁犂字子梁生溷字子明溷生
茂字子潞三世為司城輓為大司寇生朱鉏世系具春
秋人表茂裔孫羊事魏文侯封於靈壽子孫家焉羊
孫毅趙望諸君毅孫臣叔漢華成君自趙徙長陵

卓

漢卓王孫蜀人卓茂

案卓茂南陽宛人此上載卓王孫蜀人而系茂於下不載其里

居宜

增八祖父皆至郡守茂以密令知名光武以為太傅

褒德侯長子戎太中大夫次子崇大司農汎鄉侯子
琴孫訢曾孫隆皆嗣侯

濁

漢貨殖傳有濁氏賣脯而連騎又元后名政君初入
宮時皇后使掖庭令濁賢交送政君太子宮謹按說
文濁水出齊郡厲鉅山東北入鉅鹿必以水為氏

濯

鄭人子濯孺子見於孟子風俗通云濯輯之後

樸

出姓苑

朴

普木切後漢巴郡蠻酋羅朴咎鄂度夕龔凡七姓夷
帥朴胡舉其衆附魏唐新羅國王姓金貴人姓朴民
無氏有名

樂利

元和姓纂曰齊胡公支子為樂利氏

樂王

姓苑曰漢有郎中樂王幾出晉大夫樂王鮒後誤矣
謹按春秋王鮒姓樂謂之樂成子

五質

邳

漢有邳君章望出西平謹按潛夫論曰周先姑氏封

於燕汝南邳君邳音與吉同而字則異又按周封伯
儵於南燕其姓音不與邳同而前漢音義邳之曰反
則王符誤矣

帙

音秩

纂文要云人姓

一

邵氏曰姓書無一氏今江南彭澤有之當是姓乙訛
為一也

漆

出自古諸侯汪芒氏之君漆姓或曰漆雕氏之後誤矣

匹

西秦乞伏國仁鮮卑匹蘭率衆五千降又熾磐克西涼河湟太守沮渠廣宗以其左衛將軍匹逵為河湟太守又左衛匹逵大破彭利和於湫川

吉

出自姑姓黃帝裔孫伯儵封於南燕賜姓曰姑其地
東都燕縣是也後改為吉易州刺史哲之後世系具
唐宰相表元和姓纂曰云周卿士尹吉甫後以王父
字為氏誤矣謹按集韻吉字注云人姓詩謂之尹吉
然則姑姓在周已改為吉而尹氏吉氏皆周大族非
尹吉甫後也

佚

鄭大夫佚之狐始以氏見春秋

栗

趙將有栗服

畢

出自姬姓春秋時畢萬封於魏其裔孫畢陽漢武功

臣有遼

案漢書遼作滕

侯畢取取生奉義後漢兗州別駕諡

世居東平世系具唐宰相誠表唐東平郡四姓祁州

新平郡三姓皆一曰畢

室

宋朝有遼相室昉之子种歸朝為諸衛將軍見千姓
編謹按室氏本幽州人非遼種昉為布衣時與宋琪
齊名种初歸為號州監軍為謝泌言遼中事甚詳

姑

巨乙切

從女從吉巨乙極乙二切出自黃帝子得姓者十四
人其一則為姑氏裔孫伯儵周封之南燕常與姬姓
婚姻鄭穆公之母皆南燕女也

率

與帥同今豫章多此姓望出范陽南陽及河南宋有
司勳郎中鹽鐵判官率汀右拾遺率繼業

乙

風俗通漢有南郡太守乙世前燕慕容皝有護軍乙
逸北史蘇瓊為清河太守有乙普明兄弟爭田積年
不斷瓊謂之曰天下難得者兄弟易求者田地兄弟
叩首遂同居安祿山偏裨乙舒蒙宋沂州儒生乙恕
郊居肄業一旦有橫屍在舍前吏捕繫論死恕無以

自明信都郡王德彞雪其冤衆以為神明

密

出自姑姓密國之後密康公為周共王所滅子孫因以國為氏

漆雕

孔子弟子漆雕氏魯人開字子開哆字子欽及徒父凡三人

栗陸

元和姓纂曰古帝粟陸氏之後或為粟氏趙將有粟服唐裴休父肅平浙東劇賊粟鉞

悉羅

燕慕容垂嘗請尚書郎悉羅騰從軍

悉雲

後魏官氏志改為雲氏望出河南

室孫

姓苑曰古賢人有室孫子著書唐州人有室孫氏

密貴

西秦錄乾歸有左輔密貴周勸歸稱藩納質於涼既而悔之遂誅周等

密須

世本曰商時姑姓國也文王滅之其後以國為氏姓苑曰琅邪人

密華

姓苑曰琅邪人也

密茅

姓苑曰琅邪人

叱列

代北西部大人世為酋帥以其部為氏

叱利

代北叱利氏後改為河南利氏

叱干

代北人後魏獻帝定姓為叱干氏居武川夏錄有將

作大匠叱干阿利為赫連勃勃蒸土築城者

叱呂

代北叱呂氏後改為呂氏

叱奴

赫連勃勃有將叱奴侯提

乙旃

後魏獻帝命叔父之嗣曰乙旃氏後改為叔孫氏乞

伏國仁以乙旃童渥為左相

乙干

代人後魏有都督乙干貴

一利咥

唐回鶻傳薛延陀者先與薛種雜居後滅延陀部有之因號薛延陀姓一利咥氏在鐵勒諸部為最雄長

一斗眷

又作一叔眷又作壹斗眷後魏改為明氏

一那婁

婁一作婁後魏改為婁氏

乙速孤

代北三字姓

失利波羅

盤盤國東南有哥羅王姓失利波羅名米失利鉢羅

六術

述

風俗通云世本魯大夫仲述之後仲一作叔

𦵏

音橘廣韻曰人姓也出韻譜以此知張始興公作姓
源韻譜在廣韻之前凡二書同載姓氏皆合以韻譜
為正

橘

唐日本傳貞元末遣使朝貢其學子橘免勢願留肄

業

出連

秦乞伏氏有征虜將軍出連輔政沙州刺史出連虔
丞相南川宣公出連乞都右輔將軍出連高胡後魏
官氏志出連氏改為河南畢氏

出就


漢藝文志古有出就鞠著書二十五篇言兵要

黜弗

後魏官氏志改為河南弗氏

黜容

後魏代北人姓



欽定四庫全書

子部

古今姓氏書辨證卷

三十七至
四十

詳校官中書臣沈鳳輝

侍讀臣孫球覆勘

謄錄監生臣俞錫玉

謄錄監生臣陳祁

謄錄貢生臣黃琮

謄錄舉人臣黃道暉

欽定四庫全書

古今姓氏書辯證卷三十七 宋 鄧名世 撰

八物

弗

後魏官氏志黜弗鐵弗燕弗並改為弗氏

紫史記禹後有費氏

索隱云世本費作弗

蔚

蔚一作尉古尉繚子著書

屈

自瑕及屈重屈完而下世系具春秋人譜漢高帝九年十一月徙齊楚大族昭氏景氏屈氏懷氏五姓關中與利田宅南涼有將軍屈右

蒧

音弼

左氏曹大夫蒧翰胡始以氏見一作佛音弼邵氏曰論語佛肸以中牟叛今解在八勿齊宣王時有作屨者蒧氏姓書曰蒧翰胡之後

屈侯

風俗通魏賢人屈侯駙史記漢有郎中屈侯原

屈南

元和姓纂曰屈原裔孫仕後魏魏重複姓以自南來
乃加南字或作屈男

屈盧

出後魏官氏志

屈同

出後魏官氏志

屈門

出後魏官氏志

屈引

出後魏官氏志

弗羽

後魏官氏志弗羽氏改為河南羽氏

弗忌

元和姓纂曰晉大夫欒弗忌後

不蒙

元和姓纂曰下音夢唐武后末年有河源軍大使不

蒙令卿與郭元振同迎吐蕃降人

不更

謹按此氏當出秦不更女父之後

不第

潛夫論宋不第氏子姓也

九迄

暨

吉音

唐天寶中有暨晃弟昱暨佐時上元中准制改為周氏今餘杭與閩中多此姓而音訛為繫氏宋建州暨文渭生泳某州助教泳生陶中大夫陶生唐裔紹聖四年進士又有右通直郎前通判臨安府尚卿字公望弟右迪功郎監潭州南嶽廟召卿字公南 雄州暨守教生茂瞻茂瞻生君儒君儒生商俊政和五年

上舍

乞

謹按資治通鑑吐谷渾有司馬乞宿雲相其王辟奚

乞伏

西秦乞伏國仁號大單于本鮮卑乞伏部首帥因氏
馬國仁之先曰伏乞可汗託鐸莫何如弗斯字紇干
五世孫祐鄰鄰子結權結權子曰利那曰祁渥利那
子述延述延子傳大寒皆繼為首帥傳大寒弟曰生

雷勇士撫軍

案晉載記大寒弟曰吐雷苻堅使為勇士護軍撫其衆勇士川地名也此作生

字大寒子曰司繁步類

案晉載記類作類

司繁始號南單于

四子曰國仁曰乾歸曰智達曰木弈于國仁始僭號

西秦王在位四年私謚烈王廟號烈祖弟乾歸嗣在位

二十四年謚武元王子熾磐嗣智達為龍驤將軍木

弈于為揚武將軍國仁生公府乾歸四子曰熾磐曰

勅勅曰審虔曰延祚熾磐嗣位七年死子慕末嗣勅

勃質于西涼審虔中軍延祚禁中錄事熾磐子元基

慕末元基右丞相慕末嗣位三年赫連氏滅之祁渥

弟曰軻渥述延尊為師傅又族人曰乞伏益州

案晉載記

乞伏益州秦州牧也

涼州牧乞伏軻彈驍騎將軍乞伏務和

乞連

西秦錄有丞相乞連出都

案西秦錄丞相出連乞都辨證前既有出連氏此又

為乞連氏誤

乞利啞

唐中天竺王姓乞利啞氏亦曰刹利啞氏

十月

厥

漢衡陽王賜妾厥氏謂之厥姬姓范曰京兆人

闕

風俗通闕黨童子之後漢荊州刺史闕栩又有下邳
賊闕宣又縱橫家有闕子一篇

髮

漢有東海人髮福修韓詩

謁

風俗通云古謁者以官為姓後漢汝南太守謁瓊一名煥見獨行廖扶傳名世曰漢東平王后謁亦當為氏師古以為名謁誤矣

越質

西秦乞伏國仁破鮮卑越質叱黎于平襄獲其子詰歸弟子復半詰歸後為北涼州刺史

越勒

見越氏西魏以開府儀同三司越勒肱為司空其先
庫狄越勒部首長因氏焉

越椒

元和姓纂曰楚大夫越椒之後為氏

越強

見越氏

闕門

漢儒林傳膠東內史闕門慶忌鄒人申公弟子也

十一沒

骨

河南骨氏後魏官氏志紇骨氏改焉隋京兆郡丞骨
儀聞唐公入長安奉代王侑乘城拒守

悖

音悖

梁武帝第二子豫章王綜叛入魏帝改綜之子直氏

曰悖未旬日而復之

紫悖通志作勃風俗通宋左
師勃之後晉有寺人勃鞞

紇

音紇

後魏官氏志紇單氏改為紇氏西涼沮渠蒙遜遣安
西將軍紇勃耀兵禿髮僣檀之西境

沒藏

按沒藏應改密藏第此書類入沒字韻
今於辨證內譯改而標目姑仍其舊

李元昊子諒祚其母密藏氏為尼又大臣密藏鄂特彭
專政以女妻諒祚諒祚殺鄂特彭及其女

沒鹿

紇豆陵氏本沒鹿回部大人因氏焉或作沒鹿氏

紇干

西秦錄云初自漠北南入陰山遇大蟲於路狀如龜
大如陵阜乃殺馬祭之俄而不見乃有一小兒在焉
乞伏部老父無子者請養為子衆許之老父忻然自
以有所依憑字曰紇干紇干華言依倚也後因為氏
唐御史大夫紇干遂江西觀察使紇干泉望出鴈門
紇奚

北齊開府紇奚永樂

鵠奚

代北人姓

紇骨

後魏獻帝兄後改為紇骨氏

沒鹿真

後魏代北姓

紇豆陵

後魏賊帥有紇豆陵伊利

紇突隣

後魏改為隣氏

骨咄祿

河南祿氏後魏骨咄祿氏改焉唐涇陽有此姓姓纂云出紂子祿父後誤矣

勃率野

吐蕃姓也其先發羌之祖曰勃率野武多智稍并諸羌據其地蕃發聲近故其子孫曰吐蕃而姓勃率野

盟石蘭

官氏志後改為石氏

十二曷

妲

音怛

元和姓纂曰紂妃妲己之後誤矣謹按妲己有蘇氏之女也

遏

出自媯姓虞遏父為周陶正支孫以字為氏

刺

韻譜曰後燕有合浦公刺勃東夷人宋有贊善大夫
刺穎

達勃

魏達勃氏後改為褒氏一曰改褒氏

渴侯

後魏渴侯氏改為侯氏

葛伯

見葛氏

鷩冠

姓苑有鷩冠子著書

渴足渾

渴足渾改為朱氏望出河南

十三末

末

本姓秣避難去禾為末氏唐書吐蕃傳會昌乞離胡
為贊普別將尚恐熱為落門川討擊使姓末名農力

謹按熱猶中國所謂郎也

秣

音末

古秣陽國或曰秣陵以國為氏

括

出姓苑

攷

出姓苑攷音奪

拔拔

後魏獻帝次兄為拔拔氏後改為長孫氏

拔略

一作拔晷後魏官氏志有拔晷氏改為蘇氏

拔也

與斛律同祖號拔也部後改斛律為拔也氏

拔列蘭

官氏志改為梁氏

十四點

滑

出自姬姓伯爵之國後以為氏

伋

出姓苑伋音八

案字韻諸書俱無此字廣韻亦不載
疑即伋字之訛音與八同今附入點

韻

滑伯

元和姓纂曰漢有滑伯堪為齊悼王中尉誤矣是人

氏滑而名伯堪非複姓也

十五鎔

刹利

南詔單單國王姓刹利名尸陵伽

刹利邪伽

舊云生邪伽南蠻波利國刹利邪伽名護路那婆

十六屑

齧

元和姓纂曰莊子齧缺學道於王倪誤矣齧缺非姓

名

頡

黃帝史官蒼頡之後風俗通古有賢者頡衛

鐵弗

後魏官氏志鐵弗氏改為河南弗氏

顯那

出後魏官氏志

--	--	--	--	--	--	--	--